

GEMENCHEH GRANITE RAIKAN ANAK YATIM DI BULAN RAMADHAN

Gemencheh Granite Sdn Bhd telah mengadakan Majlis Berbuka Puasa bersama Anak-Anak Yatim kawasan Gemencheh pada 23 Julai lepas bersamaan dengan 14 Ramadhan. Majlis tersebut telah dirasmikan oleh YBhg Dato' Mohd Kamil Abd Aziz, Direktor Gemencheh Granite. Ianya juga turut dihadiri oleh Ketua Pegawai Eksekutif Selia Group, Datuk Mohamed Zaini Amran dan Timbalan Pegawai Eksekutif, Tuan Hj Amli dan Dr Wan Ahmad Rudirman.

Acara dimulakan dengan bacaan doa dan diteruskan dengan pemberian derma kepada anak-anak yatim kawasan tersebut. Seterusnya majlis berbuka puasa dimulakan dengan jamuan ringan diikuti dengan Solat Maghrib berjemaah sebelum jamuan makan malam buka puasa. Para hadirin kemudian dijemput untuk bersama-sama menunaikan solat Isyak serta Solat Terawih. Majlis diakhiri dengan Moreh bersama-sama dengan rakan sekerja yang lain.

